



UNIVERSITÄTS-
BIBLIOTHEK
PADERBORN

Bavariae Sanctae Volvmen ...

Rader, Matthäus

Monachii, M.DC.XXIV.

Conradvs Episcopvs Portvensis Cardinalis, An Bavarvs Vt Mvlti Tradvnt,
Avctor Negat

[urn:nbn:de:hbz:466:1-79699](https://nbn-resolving.org/urn:nbn:de:hbz:466:1-79699)

CONRADVS

EPISCOPVS PORTVENSIS CARDINALIS.

AN. BAVARVS VT MVLTIVTRA-

DVNT, AVCTOR

NEGAT.

Nemo negatum ibit illustrissimum ac sanctissimū hunc virum fuisse, cuius multa est mentio apud scriptores partim qui vixerunt eius ævo Thomam Cantipratenum, ^a Cæsarium, ^b Vrspergensē, ^c partim recentiores Auentinum, ^d qui eius acta improbè, hæreticorum ritu, calumniatur; nam quæ alij peccarunt, hic in Conradum congestit. Alphonsus Ciaconius in Honorio III. qui multos præterea alios laudat.

Bavarum hunc Conradum fuisse tradunt, & Henrici Bauari filium, Henrici Superbi Saxonie & Bavarie Ducis fratrem è Guelfis oriundum Panuinius in Honorio, Arnoldus VVion l. I. p. 58. & 69. Abrahamus Bzouius Annal. xiii. anno cix. cc. xxii. n. iii. & huius Conradi vitam & res gestas aiunt ab Cæsario & Cantipratano memoriis traditam. Sed meo animo & Panuinius & VVion & Bzouius falluntur. Nego hunc Conradum ex purpuratis Ecclesie Portuensem, fuisse Bavarum vel ex Bauaris ortum. Aut enim ex Guelfis natus esset, quod illi volunt, aut ex VVittelsbachijs, qui hodie rerū in Boica potiuntur. Ex Guelfis nō fuisse natū ostendo extemporū ratione. Docent hunc Conradum fuisse Henrici Guelfi filium, superbi fratrem. atqui constat Henricum Conradi monachi patrem obiisse anno cix. c. xxv. Conradum verò anno cix. cc. xxv. vel vi. Ita filius post patris mortem amplius centum annis vixisset, quod ut vix potuit fieri, ita factum esse prorsus est incredibile. Nam anno cix. cc. xix. volunt creatum ab Honorio Cardinalem, quo tempore Conradus jam quartum & nonagesimum annum egit, dein legatum contra Albigenes missum: postea in Palæstinam profectum, demum solitudinem ibi ingressum, & velut tironem anachoretæ adhæsisse, illique ritu famuli ministrasse: demū ob valetudinē patriam cogitasse, & Barrij in Apulia dum rediret, aŋo cix. cc. xxv. vel vi. decessisse. Quæ omnia minimè cadunt

D. CC. XXII.

^a L. b. 2. c. 9.^b Lib. 1. 3. c. 33.^c P. 192. l. 5. c. 27.^d P. 383.^e Anno 1227.^f Lib. 7. p. 530.

P. 546.

dunt in Guelfum, jam centesimum post mortem patris annum a-
gentem. Nec ex V Vitelspachiis progenitum constat, nam Ludo-
uicus Othonis M. V Vitelspachij filius, qui hoc tempore Boariam
totam solus tenuit, & simul Comes Palatinus Rhemi anno 1150. cc.
xv. factus est, atque anno 1150. cc. xxxi. obiit, non habuit nisi uni-
cum filium Othonem. Otho quidem Othonis M. Boiorum Du-
cis nepos habuit præter alios Henricum, sed nullum Conradum,
neque nepotem Conradum. Sed nec Cæsarius hunc Conradum
ait Bauarum fuisse, nec in Orientem vnquam profectum, nec Can-
tipratanus. Miscentur ergo duo Conradi, quorum vterque ex
principe familia procreatus; monachus tantum idemque Hiero-
solymam profectus ex Guelfis fuit, cuius res gestas Vrspergensis in
acta misit. Cardinalis autem Eginone zaringia Duce apud Hel-
uetos natus, quem item Vrspergensis, Cæsarius, & Cantipratanus
laudant, & hic nihil ad Bauaros. V Vion tamen hunc Conradum
Cardinalem omnino Bauarum esse contendit, & alterum quen-
dam Conradum seu Cunonem Eginonis illius Vrachienfis dyna-
stæ filium Cardinalem Prænestinum ab Gelasio in Germaniam le-
gatum docet. Lectoris ego permitto litem hanc iudicio; mihi
Portuenfis, Bauarus non videtur, quod Vrspergensis eam rem in
Guelfis non tacuisset, vbi ex instituto Conradum Guelfum Henri-
ci filium describit, nec Cæsarius, uti dixi in Conradi Cardinalis nar-
ratione quicquam de Guelfis; nec temporum observatio id per-
mittere videtur. Præterea hunc Conradum episcopum Portuen-
sem & Cardinalem non fuisse Bauarum, sed Eginonis seu Egonis
Comitis filium, & Ciaconius & Auentinus docent. Cantiprata-
nus & Cæsarius non edunt familiam, nisi quod ille dicit ex nobilis-
sima familia in Alemannia oriundum. Alemannia ab scriptori-
bus, nunc pro tota Germania nunc pro Sueuia tantum accipitur.
Cæterum res quam de Conrado narrat Bzouius, vera est, sed nihil
ad fides nostras, quæ hunc Conradum (extra chorum Boaria
ponendum) tacent, quod ne quis miretur præ-
teritum, placuit monere.



MARIA